



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

Concilivm Hispanicvm Generale, Svasv Leonis Pontificis, In causa
Priscillianistarum indictum, anno Domini 447.

urn:nbn:de:hbz:466:1-14584

quebantur. Conuincitur vanitas, perfidia confusa refutatur, ita ut ad singulas verborum obiectiones errasse se, dum nequeant respondere, confitentur. Populus arbiter vix manus continet, iudicium cum clamore contestando. *Hoc tenus Beda.*

Antistes vero omnibus ad votum feliciter consummati, & quæ prius dissipata fuerant rite ordinatis, ad proprium cum gaudio remeauit, Dei & beati Anglorum protomartyris Albani, cui victoriam adscriptis gratus acceptor beneficii, magnalia prædicando. Et his ita gestis, innumera utriusque sexus multitudo ad Dominum est conuersa. *Hæc Matthæus VVestmonasteriensis ex Constantino presbytero.*

CONCILIVM
HISPA NICVM GENERALE,
SVASV LEONIS PONTIFICIS,

ANNO
CHRISTI
447.

*In causa Priscillianistarum indictum, anno Domini 447.
Præter regulam fidei, quæ supra in fine Concilii Toletani primi excusa est, nihil extat. Incipit prædicta regula fidei sic:*

CREDIMVS in vnum Deum Patrem omnipotentem, & Filium, & Spiritum sanctum, visibilium & invisibilium factorem, &c. *Vide supra loco allegato.*

N O T A.

Hispaniam
a barbaris
deuastatam
heretici in-
uaserunt, &
hunc Con-
cilium cele-
brando
causam de-
derunt.

S. Leonis
hortatu
Concilium
in Hispania
celebratū.

Concilium Hispanicum.] Cum ingruentibus barbaris, Vandaliis primum, Gothis atque Suevis, florentissima illa Hispaniarum ecclesia, sanctissimorum antistitum solita cultura careret, pulchra immutata facie, redditæ est velut ager incultus, vepribus vnde pletus ac spinis, in quibus feræ sua latibula quærebant. Accidit, quod dum S. Turibius Asturicensis episcopus, vehementi catholicæ veritatis ardore succensus, hac de causa Hispaniæ ecclesiæ lustraret, eiusdem bestiarum lustra inueniens, ad eas pellendas, earumque latibras destruendas, apostolicæ sedis, a qua Hispaniæ sincerum euangelium acceperant, subsidium implorauerit, atque per diaconum suum, Romam ad hoc opus alegatum, Leonem pontificem de his omnibus certiore reddiderit. Quæ dum S. Leo exacte examinasset, redditis literis post alia eum admononuit, ut in Hispania generale Concilium celebraretur. *Habeatur ergo, inquit epistola 93. ad Turibium, intervos episcopale Concilium, & ad eum locum, qui omnibus*

ANNO
CHRISTI
446.
bus opportunus sit, vicinarum prouinciarum conueniant sacerdotes, ut se-
cundum ea que ad tria consulta respondimus, plenissimo disquiratur exa-
mine, an sint aliqui inter episcopos qui huius heresos (Priscillianistarum
scilicet) contagio polluantur, a communione sine dubio separandi, si ne-
fandissimam sectam per omnium sensuum prauitates damnare noluerint.
Et post nonnulla: Dedimus itaque literas ad fratres & coepiscopos no-
stros Tarragonenses, Carthaginenses, Lusitanos atque Galacos, eis
que Synodi generalis Concilium indiximus, &c.

His literis in Hispaniam perlatis, ad celebrandum generale Con-
cilium, episcopi diuersarum prouinciarum conuenerunt, Priscillia-
nam hæresim condemnarunt, atque contra eam regulam quamdam
fidei, de qua supra in principio diximus, cum aliquot capitulis edi-
derunt. Hæc summatim in actis Concilii Bracarense I. in p̄fatio-
ne, Lucretius est prælocutus, his verbis: *Credo autem vestre beatitu-
dinis fraternitatem nosse, quia eo tempore quo in his regionibus nefan-
dissime Priscilliana secta venena serpebant, beatissimus papa urbis Romæ
Leo, qui quadragesimus septimus fere apostoli Petri successor extitit, per
Turibium notarium sedis sua ad Synodum Gallicæ contra impiam
Priscilliana heresos sectam scripta sua direxit: cuius etiam precepto
Tarragonenses & Carthaginenses episcopi, Lusitani quoque & Bæti-
ci, factò inter se Concilio, regulam fidei contra Priscillianam hæresim
cum aliquibus capitulis describentes, ad Balconium tunc huius Braca-
rensis ecclesia præsulem direxerunt. Hæc de rebus in Synodo gestis.
Sed cum hæc ad Balconium Tarragonensem episcopum, totius Gal-
licæ primatæ & metropolitanum, scripta fuisse dicat Lucretius;
præterea etiam Galliciæ hoc tempore sub Rechilla Sueorum rege
fuerint, reliquæ autem Hispaniarum prouinciæ Theodorico, eius-
que filio Torismundo, & Gothorum regibus paruerint, probabile
admodum esse appareat, quod supra in notis Concilii Toletani I.
verbo *Regule* diximus, duo habita fuisse Concilia, quæ postea cum
Toletano primo coniuncta fuerunt. Vnum Toleti, cui Tarragonen-
ses, Carthaginenses, Lusitani & Bætici episcopi interfuerunt, & de
rebus in Synodo gestis ad Balconium Gallicæ primatæ literas de-
derunt. Alterum collectum est in Galicia sub Balconio in munici-
pio Celenensi apud Lucensem urbem. Quarum cum vna conue-
niendi causa & auctoritas fuerit, inque vnam & eamdem sententiam
conuenerint, in vnum conflata, & Toletano primo, collectoris
errore, coniuncta fuerunt. Vide quæ diximus in notis Concilii To-
letani I. verbo *Regule fidei*, & in notis Concilii Constant. I. verbo
Symbolum, & quæ infra dicemus in notis Concilii Bracarense I. ver-
bo *Turibium*.*

Duo hac de
re Concilia
in Hispania
celebrata
fuerunt,
vnum To-
leti, alte-
rum in Gal-
licia.